



Bosna i Hercegovina
Federacija Bosne i Hercegovine
Federalno tužilaštvo
Federacije Bosne i Hercegovine

Broj: A: 137-1/22
Sarajevo, 14.04.2022. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 15-04-2022			
Org. jed.	Broj	Priloga	Vrijednost
01,02	- 11 -	P36	/22

BOSNA I HERCEGOVINA
FEDERACIJA BOSNE I HERCEGOVINE

PARLAMENT FEDERACIJE BOSNE I HERCEGOVINE
Ulica Hamdije Kreševljakovića broj 3
71000 S A R A J E V O

PREDMET: Informacija o izvršenju Budžeta Federalnog tužilaštva FBiH za 2021. godinu,
dostavlja se

Poštovani,

u skladu sa čl. 35 st. (3) Zakona o Federalnom tužilaštvu Federacije BiH („Službene novine Federacije BiH“, broj: 19/03), u prilogu ovog dopisa dostavljamo Vam Informaciju o izvršenju Budžeta Federalnog tužilaštva FBiH za 2021.godinu.

Dostaviti:

1. naslovu;
2. a/a

GLAVNI FEDERALNI TUŽILAC
Munib Halilović





Bosna i Hercegovina
Federacija Bosne i Hercegovine
Federalno tužilaštvo
Federacije Bosne i Hercegovine

INFORMACIJA/IZVJEŠTAJ O IZVRŠENJU BUDŽETA FEDERALNOG TUŽILAŠTVA FEDERACIJE BIH ZA 2021.GODINU

U 2021. godini Tužilaštvo je imalo na raspolaganju pored redovnih sredstava namjenjenih za njegov rad i grant sredstva Evropske unije iz Projekta „Unapređenje rada na predmetima ratnih zločina u BiH“ IPA 2017 i IPA 2019. Tako da su ukupni troškovi i izdaci na kraju 2021. godine uvećani sa troškovima finansiranim iz sredstava IPA Projekta Evropske unije u iznosu od 31.217 KM, s tim da je ova razlika oprihodovana sa pomenutim iznosom.

U strukturi naših redovnih troškova i izdataka, bez troškova IPA-projekta, koji ukupno za 2021. godinu iznose 31.217 KM, najveći dio se odnosi na plaće i naknade uposlenih. U okviru ostalih troškova najzastupljeniji su troškovi koji se odnose na komunalne usluge, ugovorene usluge i nabavku materijala.

Budžet Federalnog tužilaštva za 2021. godinu iznosio je 1.982.592 KM, dok su ukupni troškovi i izdaci iznosili 1.820.746 KM. Ostalo je neutrošeno 161.846 KM. Moramo naglasiti da u 2021. godini nije počeo sa radom Poseban odjel za borbu protiv korucije i organiziranog kriminila, čiji početak se očekivao u 2021. godini (Budžetom je odobren broj zaposlenih, ali ne i sredstva, sredstva su vezana za početak rada).

Izvršenje budžeta za 2021. godinu iznosi 91,8 % odobrenog budžeta za 2021. godinu. Odstupanje izvršenja budžeta od plana uglavnom je odstupanje po osnovu materijalnih troškova i odstupanje po osnovu broja zaposlenih. Izvršenje na materijalnim troškovima je manje za 32,2%. Troškovi materijala i ostalih tekućih troškova su iznosili 97.774KM i manji su za 46.346KM od planiranih sredstava. Razlog odstupanja izvršenja od plana je u tome što Tužilaštvo nije radilo u punom kapacitetu zbog ekonomske i epidemiološke situacije izazvane pandemijom Covid-19. Na rad Tužilaštva uticala je teška ekonomska situacija u zemlji i svijetu koja se odrazila i na njegov rad.

Odstupanje izvršenja budžeta od plana na troškovima uposlenih manje je za 7,71%, odnosno za 140.550 KM. Odstupanje na troškovima uposlenih je odstupanje po osnovu broja uposlenih. U 2021. godini nije imenovan jedan tužilac čiji godišnji troškovi iznose oko 100.000 KM i jedan savjetnik, što predstavlja upravo ovo odstupanje.

Ukupni troškovi bruto plaća iznose 1.424.163KM, što iznosi 78,22% ukupnih troškova Tužilaštva. Naknade troškova zaposlenih iznose 107.009 KM. Troškovi na ime doprinosa iznose 150.404 KM. Ukupni troškovi na ime plaća, naknada i doprinosa iznose 1.681.576 KM, što iznosi 92,35% ukupnih troškova Tužilaštva i jasno govore o strukturi troškova Tužilaštva. Izvršenje plana na ime bruto plaća i doprinosa je u okviru plana i iznosi 91,67% planiranih sredstava za ove namjene, odnosno 79,42% budžeta. Na naknadama izvršenje iznosi 102,40% od plana za ove namjene. Do prekoračenja je došlo zato što je jedan tužilac otišao ranije u penziju, tako da nismo mogli planirati sredstva za njegovu

otpremninu. Nedostajuća sredstva smo obezbjedili preraspodjelom sa bruto plaća (nedostajao je iznos od oko 2.500KM).

U 2021. godini smo na ime razlike naknada toplog obroka, regresa, kamata i troškova spora po pravosnažnim sudskim presudama isplatili 34.679 KM. S obzirom da su nam na vansudskoj nagodbi odobrena mala sredstva, problem isplate smo riješili putem preraspodjele u iznosu od 26.111 KM, Odlukom Vlade FBiH sa drugih budžetskih korisnika. Time smo značajno smanjili obaveze po osnovu sudskih presuda.

Zaključno sa 2021. godinom obaveze po izvršnim sudskim presudama iznose 28.357KM.

Potencijanih obaveza po sudskim presudama (one koje nisu izvršne) nema.

Što se tiče ostalih obaveza, to su uglavnom obaveze za plaću za XII mjesec 2021. godine i obaveze prema dobavljačima (troškovi telefona, poštarine, kancelarijskog materijala, opravki opreme i sl.) za XII mjesec 2021. godine u iznosu od 3.767.KM.

Kapitalni izdaci su iznosili 6.837 KM (uglavnom se radi o nabavci računarske i komunikacijske opreme).

Federalnom tužilaštvu Federacije BiH 2014. godine donirana su sredstva Evropske unije iz projekta „Praćenje provođenja Državne strategije za rad na predmetima ratnih zločina“, IPA 2012. Sredstva su bila namjenjena za plaće jednog tužioca i jednog stručnog saradnika, kao i za materijalne izdatke koje oni naprave u toku svog rada.

Rad stručnog saradnika i tužioca do 2017. godine je finansiran iz sredstava IPA 2012, a od 2017. godine njihov rad se finansira grant sredstvima IPA 2013 Projekta- Unapređenje rada na predmetima ratnih zločina u BiH.

U 2019. godini Federalno tužilaštvo je nastavilo ovaj Projekat koji je finansiran grant sredstvima IPA 2013 Projekta- Unapređenje rada na predmetima ratnih zločina u BiH.

Od 07.10.2019. Projekat se nastavlja i u narednom periodu tako što je uplaćena I tranša grant sredstava za projekat „Unapređenje rada na predmetima ratnih zločina u BiH“ IPA 2017. Ovaj projekat je nastavljen do 06.10. 2020. godine. S obzirom da na vrijeme nije uplaćena II tranša grant sredstava IPA 2017 nedostajala su sredstva za isplatu plaća u iznosu od 8.008,51 (za period juli-oktobar 2020. godine). Razlika nedostajućih sredstava je uplaćena u januaru 2021. godine, tako da su za I kvartal ove godine troškovi plaća teretili 2021. godinu. Pošto se radi o donatorskim sredstvima nismo mogli stvarati obavezu na Federalnom tužilaštvu. U 2021. godini se nastavlja finansiranje Projekta Evropske unije „Unapređenje rada na predmetima ratnih zločina u BiH“ sa grant sredstvima projekta IPA 2019. Odluka Vlade o rasporedu sredstava IPA 2019 je donesena tek u aprilu 2021.godine, iako su sredstva legla ranije u iznosu od 35.390,73 KM, tako da su troškovi koji se finansiraju iz ovih sredstava teretiti II kvartal 2021. godine (plaća za mart 2021. godine).

Iz IPA sredstava 2017 i 2019 se finansiraju troškovi plaća i naknada jednog stručnog saradnika koji radi na Projektu Evropske unije „Unapređenje rada na predmetima ratnih zločina u BiH“. Za 2021.godinu troškovi bruto plaća su iznosili 25.831,35 KM (na IPA 2017 se odnosi 7.353,37KM a na IPA 2019 se odnosi 18.477,98KM), troškovi naknada su iznosili 2.728,87 KM-troškovi IPA 2019 i doprinosi na teret poslodavca 2.595,34KM (na IPA 2017 se odnosi 655,14 KM, a na IPA 2019 se odnosi 1.940,20KM). Ukupni troškovi na ime plaća i naknada su iznosili 31.155,56 KM (na IPA 2017

se odnosi 8.008,51KM, a na IPA 2019 23.147,05KM). Materijalni troškovi su iznosili svega 61,25KM(troškovi dnevnica) i teretili su IPA 2019. Ukupni troškovi IPA 2017 i IPA 2019 su iznosili 31.216,81KM.

Na sredstva IPA 2019 se odnosi 23.208,30KM od 35.390,73 KM koliko iznose uplaćena grant sredstva iz IPA 2019. Potrošeno je 65,5773% uplaćenih sredstava I tranše IPA 2019 koja traje do 31.12.2021. godine. Neurošena sredstva u iznosu od 12.182,43 KM se prenose u 2022. godinu. II tranša IPA 2019 godine je predviđena za period od 01.01.2022. do 31.12.2022.godine.

Dakle ukupni troškovi i izdaci Federalnog tužilaštva zajedno sa troškovima finansiranim IPA sredstvima iznose **1.851.963 KM**.

Broj: A- 137/22
Sarajevo, 14.04.2022. godine

GLAVNI FEDERALNI TUŽILAC

Munib Halilović

